



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

IX. Marggraff Otten vnd Marg. Woldemars Priuilegium vnd Kauffbrieff vber
die Dorfer Stolpe, Bredereike, Rudow vnd Tangerssdorf, vnd ist der andere
Brief hirunten nach disem mit XI betzeichnet, fast ...

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

tionibus aquarum ibidem interclusis, cum piscationibus et utilitatibus quibuscumque ad prefatam Ecclesiam debebunt perpetuo pertinere. Item uillam Werben cum omnibus suis pertinentiis. Item decem mansos in uilla Vlatouu cum suis distinctionibus uniuersis, quos Wilhelmus Soneken senior, miles, a nobis hactenus feodaliter tenens, sed ex nunc tenere debet ab Ecclesia supradicta. Hec itaque bona cum uniuersis suis pertinentiis, cum omni iure, proprietate, iurisdictione, dominio et utilitatibus quibuscumque, libertate etiam plenaria in omnibus et per omnia, quemadmodum predicta uniuersa donata sunt, Damus et assignando donamus prefate Ecclesie Celiporte loco et nomine centum mansorum in terra nostra Stargardenfi, cum uniuersis bonis prelibatis Iusto proprietatis ac libertatis titulo in perpetuum possidenda. Ut igitur hec omnia et singula, in priuilegiis dicte domus Celiporte expresse contenta, perpetuo et inuolabiliter conferrentur, presentes conscribi et sigilli nostri appensione fecimus communiri. Testes quoque huius sunt: Wilhelmus Soneke, Henricus Soneke, Buffo de Dolla, Bernardus de Peccatel, Vicko de Vitzen, Henricus Crouuel, milites; Henricus et Godeko, nostre curie Cappellani, et plures alii fide digni. Datum Nien Brandeborch, Anno domini M^o. CCC^o. quinto, sexto decimo Kalendas octobris.

Concordat et hec Copia cum suo originali uero et incorrupto, quod attestor ego supradictus Notarius Eras. Seydell hoc meo chyrographo.

Vnd seindt Diser Copei Zwei Original mit VIII bezeichnet Zu befinden.

IX. Marggraff Otten vnd Marg. Woldemarfi Priuilegium vnd Kauffbrieff vber die Dorfer Stolpe, Bredereike, Rudow vnd Tangerfordorf, vnd ist der andere Brief hirunten nach disem mit XI betzeichnet, fast gleiches Inhalts, paucis mutatis.

In nomine sancte et indiuidue Trinitatis Amen. Otto et Woldemarus, Dei gratia Brandenburgenses, Landesbergenses et Lusacenses Marchiones, Vniuersis Christi fidelibus presens scriptum uisuris salutem in eo, qui est omnium uera salus, uirtus et uita. Labi potest cum lapsu temporis, quicquid disponitur, nisi literarum cautionibus aut personarum testimoniis confirmetur. Eapropter constare uolumus omnibus Christi fidelibus tam presentibus quam futuris, quod honorabili uiro, domino Johanni, Abbati in Lhenyn, ordinis Cysterciensis, et suo conuentui, proprietatem quatuor uillarum, Videlicet Stolp, Bredereyke, Rhudouue, Tangerstorp pro trecentis marcis argenti Brandenburgensis vendidimus, quas uillas quondam Redekinus, de Redere dictus, a nobis in pbeudo tenuit et eidem fratribus pro constructione Cenobii, quod Celiporta dicitur, pro nongentis marcis argenti Brandenburgensis vendidit et nobis sub tali forma resignauit, ut easdem uillas dictis fratribus cum iure proprietatis in possessionem legitimam conferemus cum omni pensione et cenlu et utilitate et fructibus inde percipiendis atque cum aliis omnibus suis pertinentiis, scilicet agris cultis et incultis, aquis, piscationibus uiuis et inuis, lignis, pratis, pascuis, areis ac ceteris aliis prouentibus ad easdem uillas spectantibus in perpetuum possidendas. Verum ut unicuiusque uille termini expressius atque enucleatius cognoscantur, dignum duximus, eos nominatim in longum et in latum distinguere et circum queque per ordinem euidentius explanare. Inprimis igitur termini agrorum uille Stolp protenduntur in longum usque ad nemus ciuitatis Lychen, habentes in sinistram partem aquam siue fluium, qui Lychen dicitur, a predicta uilla usque ad nemus memoratum et ad partem dexteram distendentes se ad metas agrorum uille Bredereyke.

Item termini uille Bredereyke protendantur in longum usque ad nemus ciuitatis Lychen et usque ad metas uille Tangerstorp, ad partem finistram tangentes metas uille Stolp, ad partem uero dexteram metas uille Rudouue. Item termini uille Tangerstorp, incipientes a metis uille Bredereyke extendunt se usque uersus molendinum, situm infra uillam Wpychar uersus Lychen, ad partem finistram tangentes nemus dicte ciuitatis Lychen et inde ascendentes per superiorem partem stagni Platekouue usque ad metas uille Placht et inde in dexteram partem circumtrahuntur tangentes terminos eiusdem uille Placht et inde per metas uille Denfouue usque ad lacum palustrem, cuius pars dimidia per longum terminis uille Rudouue proxima ad eandem uillam dinoscitur pertinere. Termini autem uille Rudouue, inde ascendentes uersus terminos uille Crampiz usque ad stagnum, quod etiam Crampiz dicitur, predicto lacu usque ad obulam, et uille Bredereyke terminis concluduntur. Item predicto Abbati et suo conuentui Lenynenfi pro constructione dicti Cenobii Celiporte quinque chororum filiginis in molendino inter Bredereyke et Redelendorph sito, et dimidii molendini in Stolp et dimidii chori filiginis in molendino Scherpingmoln proprietatem pro numero et taxatione pecunie supradicte uendidimus cum nostro ac nostrorum uerorum heredum consensu, Absque omni precaria, exactione qualibet, angaria et perangaria et sine quolibet seruitio curruum seu uectigalium, quocunque nomine censeatur, et omni seruitio communi atque speciali, absque qualibet etiam ordinaria petitione seu impetitione, que per nos aut per nostros officiales, aduocatos uel bodellos temera presumptione fieri obliuione aut negligentia contingeret, cum omnibus bonis ac uillis prenominatis recto proprietatis titulo possidendam pacifice et quiete perpetuis temporibus et habendam. Insuper etiam uendidimus sepedicto conuentui proprietatem stagni Crampiz cum proprietate sex stagnorum propriis nominibus carentium, que in predictorum agrorum terminis continentur, Renunciantes simpliciter omni iuri et proprietati, quam in eisdem bonis dinoscimur hactenus habuisse, Ita quod nec in omnibus bonis premissis aliquid iuris aut proprietatis amplius nobis aut cuiquam heredum nostrorum poterimus uendicare. Volentes etiam, quod nec nos, nec aliquis successorum nostrorum aut quisquis officialium nostrorum, qui nunc sunt seu processu temporis fuerint, in eisdem bonis dicte Ecclesie Celiporte in quacunque causa criminali uel ciuili ullam indicandi de cetero in perpetuum habeant potestatem. Ne autem super his in posterum cuiquam dubium ualeat suboriri, presentes literas super eo editas, duximus nostrorum appensione sigillorum proinde roborandas, presentibus testibus idoneis, Viris nostris fidelibus Conrado de Redere, Henrico de Steghelitz et Nicolao de Buec, nostre curie Dapiferis, Johanne de Sydouue, Gryphecone et Ludolpho de Arnestorp, militibus, Henrico, preposito in Granzoy, Johanne de Hardsdorp et Euerhardo, nostre curie Capellanis, ac quampluribus aliis fide dignis. Actum et datum in Werbelin, Anno domini Millesimo CCC^o septimo, in Craftino beati Valentini martiris, Decimo quinto Kalendas Marci, Luna IX, Indictione XV, Epacta V, concurrente VI.

Dass dise obgesatzte Copej von mir obgeschriebenen Notarj Erasmo Seydeln geburlichen Auscultiret vnd Colationiret sey, Auch mit Irem Rechten Original allenthalben vbereyntrefte, Dass bezeuge Ich mit Diser meynen eygenen Handschrift.